

欽定戶部漕運全書

欽定戶部漕運全書卷八十七目錄

通漕禁令

違禁雜款

違禁雜款

一官員解送舊斛遲延及破損遺失者

舊本

個月

議單
舊本

一運官奉單領運赴次違限者革職戴罪交糧

覈其完欠奏奪僉運退避者嚴拏究擬

順治
五年

一旗丁子弟及積年舊役有謀充有漕各衙門

書承者令總漕並各該督撫嚴察從重治罪如

本官不行查察及徇庇容隱一併題叅重處

順治

十五年

一弁丁爭告在未經兌糧以先責令糧道嚴查
不許領運如在領運之後候完糧回南日聽該
衙門審理其有不俟弁丁回南擅准運蠹呈詞

拘繫新運幫官稽誤新漕者照誤漕例議處運

蠹嚴提究審

康熙五年

一運弁自誤限期捏詞卸罪誣告官吏糧里者

依律擬杖

康熙六年

一運弁領運全單不填註支領糧銀月日照疎

忽例議處

康熙八年

一運官縱丁捉船剥淺漫無約束題參照溺職

例革職

康熙二十八年

一運官縱令旗下搭臺演戲停泊不行貽悞漕

運者照例革職

康熙二十九年

一運丁不親身行運者將承派衛備及押運通

判等官交部議處

康熙三十年

一運弁管押重運擅自離幫及正丁在南免註

別丁包運並隨幫與副丁不親身在幫押空以

致遺棄軍船有悞新運者將弁丁從重治罪糧

道指名嚴叅

雍正元年

一漕船篷桅什物嚴禁通州木廠不許串通盜

買盜賣

雍正三年

一沿河地方倘有販穀商人與旗丁私相貿易

盜賣漕糧或互相爭鬪者該地方官卽行嚴拏

治罪

雍正四年

一奸徒專放糧船私債舊例許官旗自首照私

放官債加等治罪雍正五年題定有違禁取利

盤剥旗丁者責令地方文武各官及坐糧廳立

卽嚴拏究治如地方官坐糧廳不行查拏及該管運弁縱丁私下借債者一經發覺俱交部嚴加議處

一旗丁攬載客貨船重難行強奪民船撥載糧米者照水手搶奪例治罪其攬貨私得稅銀併商民通同聽攬者俱照違

制例治罪

雍正八年

一正副二丁赴次交兌如有革丁衿監竄身入幫卽行拏交地方官究治若運丁不行查拏一

併究治

雍正八年

一修造漕船擅自買補捏報完工及私行雇募

民船出運者將該衛幫備弁叅革究擬

雍正二年

一糧船木手遇有事犯如在已經離船以及未

經上船之先者不得拖累旗丁如有棄差逃走

者令在押運通判處十日一次呈報

乾隆元年

一漕船回空頭舵水手人等如有行兇打架藉

端阻撓來往船隻捆毆商民等事許沿途廳汛

查明情由幫次船號旗丁姓名一面速令緝行

一面詳報總河咨明總漕究治

乾隆元年

一旗丁不拘空重如有無故潛逃棄船中途不

顧者將該丁照守禦官軍在逃律治罪外仍於

面上刺逃丁二字示儆

乾隆三年

一糧船沿途提溜趕幫雇用短絳每夫每里給

制錢一文打閘每船用夫一名給制錢一文如

閘壩水急難過夫役守候臨時酌增催漕兵役

毋得藉端勒索至名夫雇價給與現錢毋得以

貨抵給如有兵役夫頭派添短絳多索夫價從

中取利貽害旗丁者照霸佔扛擡分外多取雇值不容本家雇人者枷號兩個月杖一百例治罪該管地方員弁自行查出懲究者免其叅處如漫無覺察照失查衙役犯贓例議處其扶同徇隱者照縱役犯贓例革職至丁舵人等雇賃短絀不照定價給發以致滋事領運官不行查出照失於覺察例降一級爾任若該管官自行

查察拏獲者均免置議

乾隆五年

一載祀頭船尖丁每有借沿途便費各色科派

各幫銀兩包攬侵蝕等弊如通弁串通頭船尖
丁苛派各船銀兩者俱照因公科斂律杖六十
贓重者坐贓論若分肥入己者並計贓以枉法
論如運弁知情徇庇者照縱容衙役犯贓例革
職其失於覺察者照失察衙役犯贓例分別議

處

乾隆五年

一有頂帶之丁干犯漕規照運丁之例一體治

罪

乾隆五年

一糧道催米催船督押催餉差役滋擾定例禁

革惟豫省提幫出運時先發一牌繼差一役齎
票前至衙所提催不無假威滋擾乾隆六年奏
准嚴查禁革並飭各省一體遵行如有陽奉陰
違指名叅處

一監督失察攬典混領米石希圖多賣價值者
照府州縣書役侵欺錢糧不行查出照徇情例

降二級調用

乾隆八年

一准放銀兩應俟抵淮後散給回空銀兩應俟
回空後散給如有違例先行借給者該管官

一級調用

乾隆十一年

一湖南漕船舵工祖孫相傳盤踞霸佔竟成世業旗丁任其指揮侵蝕錢糧偷盜米石及至抵通交卸不前旗丁揭債完公而奸舵轉脫然事外乾隆二十四年奏准嗣後於抵通交糧時有少米五斗以上累及衆丁通幫代完者將該船舵工拏究審訊得實卽咨部發遣

一運白旗丁回南如無坐糧廳記功印照卽係掛欠潛逃不許復運仍將該丁解通追比其丁

名照例斥革另籤頂補

乾隆二十五年

一江西軍籍有前明世職一項在順治康熙年間有僉點隨幫押運至雍正二年部議停止其頂帶世職之名仍舊未除乾隆二十六年奏准不許混帶頂帽所有舊存供狀執照及曾有領過委運隨幫牌票等件概行通查追繳

一旗丁因私情率意告歸以致舵水人等生事不法該丁照違

制律杖一百折責四十板革退遇丁千總擅准旗

丁告假回籍不轉稟總運該干總照不應重律

杖八十總運官照失於查察例罰俸一年

乾隆二十年

七年

一糧船頭舵水手有身工已足而潛逃者通行

各幫及原籍地方官嚴拏拏獲之日解交糧道

會同各省臬司審明由總漕衙門咨部發邊衛

充軍

乾隆二十八年

一幫船行走遲延以致抵壩有悞起卸者怠悞

漕務實屬不職領運干總照溺職例革職通判

照不實力稽查例降一級調用准其抵銷

乾隆四十

五年

一 乾隆四十九年欽奉

諭旨濟寧衛旗丁張大禮呈控旗丁于士祥吞帑累丁

一案漕運旗丁官給席耗折色等銀原爲各旗丁雜

項費用乃全行扣存並將每丁行月糧違例扣賣重

利剥盤又私扣各丁銀兩餽送運官於漕務大有關

係恐此等情弊各省俱所不免除業經降旨查辦外

仍着漕運總督嚴飭各省糧道一體實力嚴行查禁

務令諸弊盡除以肅漕政欽此

一押運通判攜帶眷口乘坐糧船回籍希圖自
省水脚僅予革職不足蔽辜應發往烏魯木齊

効力贖罪

乾隆五
十一年

一漕船僅厯八運違例率請雇募將率行轉請
之衛備照不查明轉報例降一級畱任

乾隆五
十三年

一船隻未經賠造復又派減支給苦蓋月糧飭

令追繳濫給之糧道衛備應照違例支給降一

級調用有加級者准抵免其降調

乾隆五
十四年

一買補船隻變賣價銀並不照例呈道查驗率
行買補候兌將隨幫照違令律公罪罰俸九個

月

乾隆五十四年

一守備押催幫船赴淮與運弁沿途停泊並代
帶木植不能實力稽查遠行告病者實屬有心

規避拏交刑部治罪

乾隆五十四年

一押空千總申繳劄付中途遺失將失察之衛
備照不實力稽查降一級畱任雖有加級毋庸

議抵

乾隆五十五年

一沔陽衛守備胡堂於奏調袁州衛守備並不

依限領咨以致員缺久懸顯係藉延規避應革

職

乾隆五十七年

一押運通判押運交卸之後捏病逗畱並不隨

幫押運回南從重發往烏魯木齊効力贖罪

乾隆

五十

八年

一湖州所旗丁徐萼輝等幫船被盜該管運弁

照不行謹慎看守降二級畱任

乾隆五十九年

一裏河駕撐撥船耿四三次偷換官袋依監守

自盜倉庫錢糧等物一兩至二兩五錢杖九十

代役劉永泰王三一次偷換官袋依監守自盜

一兩以下杖八十均枷號一個月李四李大均

係代役致官袋被竊照不應重律杖八十

乾隆六十

年

一漕書浮收漕糧按律分別徒流杖責治罪該

縣並不親身赴倉以致蠹書得以刁難浮收按

律定擬杖徒以示懲儆

嘉慶二年

一嘉慶五年欽奉

上諭運河內織造辦物船隻以及木排等項恃強攔阻糧船責成巡漕御史轉飭沿河文武員弁將重運漕船催趲先行其餘船排令其尾隨在後挨次前進欽此

一浙江溫台等幫頭伍不顧各丁苦累將應領本色行月糧米私行折價湊作公用以致各丁沿途私食正米又浮開各賬並攤派領銀領米盤費將頭伍發近邊充軍該頭伍所短米石令通幫攤賠搭運各散丁私食正米發南依限勒

追於次年搭解還倉逾限不完照例治罪任聽
頭伍折收之干總又將公館巡船鋪墊食用等
項俱於各丁折米銀內攤派開銷將干總發往
伊犁烏嚕木齊効力當差在通拏獲買補米石
與干總所用公館巡船鋪墊食用等項銀兩追
出入官失察之押運糧道通判及本省督撫漕
運總督藩司本府及聽從折收之各州縣漕標
該管各上司均照例議處

嘉慶九年

一通州奸商包戶地棍匪徒因知各船每年俱

在通州借債買米或以賤價收買甲俸等米貴
價賣給糧船或重利放債盤剝旗丁除將所得
利銀照追入官所放各利債無論已未破案一
概不准償還外放債之人杖一百流三千里包
攬買米者於軍罪上減一等杖一百徒三年違
例賣米及知情說合之斗行均杖一百仍在通

州壩上枷號一個月

嘉慶九年

一湖南省岳州衛守備李連接徵運費銀兩自
行墊給作爲徵完之項並未報明應照違令私

罪例罰俸一年接徵守備周代瑄並不查明入

冊造報照結報不實例罰俸一年

嘉慶十年

一嘉慶十一年刑部具奏訊明拉運米石並存積米石逾額各鋪戶等因奉

旨刑部審訊步軍統領衙門拏獲拉運米石並存積逾額各鋪戶一摺所辦甚是奸商等囤積居奇致妨民食並或起偷運回漕之弊是以加之例禁其本係流通羅賣者無論米石多寡均聽其自便定例本爲明晰今若不問是否流通一經逾額卽以囤積拘拏必

致鋪戶畏累商販不前於民食商情轉有妨礙刑部
摺內稱城內之米勿許出城城外之米勿許出境所
辦最爲得要著步軍統領衙門申明定例出示曉諭
毋許番役人等妄拏鋪戶藉端滋擾所有此次審明
並非囤積之劉二等三十二名著卽概行省釋其車
大一犯著照例懲治餘依議欽此

一嘉慶十二年奉

上諭據嚴烺奏向來旗丁俱有走差之人包攬沿河大
小衙門使費現在嚴密訪拏隨時懲辦等語各省漕

船北上沿河大小官員催償輓運其家丁書役人等
向幫船索取使費以致各幫皆有走差之人沿途包
攬科斂分肥大爲旗丁之累自當嚴辦示儆著通諭
管漕大小各衙門將此等弊竇一體飭禁儻或被人
叅奏必當嚴懲辦理又摺內稱東昌衛守備漆光燁
乘坐四轎請加裁抑一節武職各員向例祇准騎馬
况當催償漕糧之時若非策騎往來何能沿途督催
上下查察嚴煇摺內稱相沿已久非止一人著漕運
總督查明如向來俱係如此應卽通行飭禁如祇漆

光煒一人違例坐轎卽將該員照例叅辦示儆欽此
嗣據漕運總督薩彬圖覆奏衛備乘坐小轎相
沿積習已久不止添光煒一人但究屬違例應
一體嚴禁如該員等仍敢故違一經察出立卽
指名叅究以示懲儆等因奉

硃批知道了欽此

一濟寧衛旗丁王順誣控頭伍侵吞霸運一案
王順應於驀越赴京告重事不實者發邊遠充
軍例上量減一等杖一百徒三年任國翰隨同

伊子王松台來京控告係屬爲從應於滿徒上減一等杖九十徒二年半押運千總黃超恒照不應輕私罪律罰俸九箇月

嘉慶十二年

一嘉慶十二年安徽巡撫初彭齡奏江西木客黃恒聚等販賣木植託湖南二幫糧船拴繫船尾並不納稅闖越過關先後拏獲將木植照時變價又本客胡協盛等漏報匿稅尙未闖關照例罰出半價入官黃恒聚等照違

制律杖一百變價充公銀兩不准充賞失察領運

各官查取職名送部覈議

一德安所干總王墉於批解錢糧已經入庫其
司照庫收並不隨時領回殊屬違令應照違令

私罪罰俸一年律罰俸一年

嘉慶十二年

一徐河前幫押空干總孟佩稟報該幫並無旗
丁上船俱係舵工包攬由巡漕御史奏奉

諭旨飭查嗣經漕運總督等查明覆奏各丁在船管駕
並無舵工包攬各弊惟抵通交卸後間有因公
趕幫勢所不免但該幫重運干總胡淳並未將

旗丁偶不在船情節隨時申報殊屬疎忽罰俸

一年押空千總孟佩並未詳細查稟亦屬不合

於補官後罰俸一年

嘉慶十三年

一經紀因旗丁短少米石折受銀兩在二十五

兩以上依監守盜倉庫錢糧律定地充徒明知

不首照竊盜爲從律杖責發落所得銀兩照追

入官

嘉慶十三年

一大通橋監督與各倉監督俱有承辦交涉公

事交通結聚易致徇隱弊混應行飭禁

嘉慶十四年

一嘉慶十四年刑部議奏江蘇巡撫汪志伊奏
松江白糧幫押空干總楊標榜戕死幫役胡年
誣稱通判陳鼎致斃一摺查此案已革干總楊
標榜希圖卸罪誣指陳鼎戕斃自應照例反坐
楊標榜合依誣告人徒罪加三等律於誣指陳
鼎以金刃毆人致死滿徒罪上加三等杖一百
流三千里仍追埋葬銀兩給屍屬收領總通
判陳鼎訊係隔船目擊因慮涉干連於移縣文
內敘作事後查知移報不實應附參聽候吏部

辦理等因奉

旨依議欽此

一嘉慶十四年奉

上諭據天津巡漕御史吳榮光奏請嚴禁盜賣漕米一
摺南糧爲天庾正供顆粒皆宜慎重豈容旗丁偷賣
致滋虧短除南漕所轄地方米價較賤或旗丁等尙
無盜賣情事其山東天津通州糧船經過及停泊地
方著各巡漕御史實力稽查毋任運丁致有盜賣米
石之事以清積弊毋存畏難之鄙見毋存消弭之惡

習各矢天良儘力追究據實具奏又稱南糧抵通未經起米之先每幫有驗費有窩子錢起米之時除例定個兒錢復有後手錢每幫每次約制錢一百數十千不等皆幫丁湊斂交坐糧廳號房書役及經紀等得受等語糧米抵通交卸該書役經紀等往往向旗丁等索得陋規遂致無弊不作近來查出各倉米石多有微變及虧短情事總由積弊未清遂至蠹害叢集著倉場於今年新漕抵通時設法嚴密稽查將從前索收陋規種種各積弊一律剔除庶漕政可就肅

清將此通諭知之欽此

一嘉慶十四年奉

上諭御史李鴻賓奏臚陳南漕各弊請飭有漕各省督撫實力剔除一摺據奏稱江西有漕各縣倉廩多設省城令積慣包漕之家人攜銀赴省向米鋪賤價購買低潮米石攪水和糠無所不有各幫頭伍又從而勾串該家人等通同舞弊慮及眾丁不肯受兌遂私議每石貼給旗丁銀三五錢不等名曰倉廩使費其實大半爲刁丁吞蝕懦丁不過得其一二迨潮米入

船日久徽變抵通後慮難交卸復賄商坐糧廳經胥人等折價回漕無弊不作至重空運弁苦累旗丁則有演戲設席斂取分金等事頭伍刁丁又復從中冒濫開銷藉端索派扣去應領水腳銀兩或至百餘金不等名曰各衙門使費甚至船糧行抵內河提溜打聞刁丁復勾通運弁漕標批單勒取每大開向不過需錢二三千文今每船用至二十餘千之多所奏情形均屬切中時弊江西如此恐他省亦復不免著有漕各督撫嚴飭各糧道認真釐剔務令各州縣旗丁

徵收受兌米石俱一律乾圓潔淨庶運通交納不復
致有潮爛等事各督撫惟當實力奉行不可視爲具
文致干重戾將此通諭知之欽此

欽定戶部漕運全書卷八十八目錄

通漕禁令

違禁雜款

違禁雜款

一嘉慶十四年奉

上諭給事中趙佩湘奏各省虧空輾轉清查多致懸宕並提解節省銀兩私增漕餘名目請嚴行飭禁一摺所奏俱是近年以來各州縣交代不清監交各員相爲容隱遂做成虧空公然稟明上司設法彌補該管督撫竟奏明立局清查致有二次三次並每隔數年又復奏請一次者其於窮源截流之要仍屬空言無補輾轉相因伊於何底嗣後各省清查名目務當永

遠革除如各州縣續有虧缺卽責令接任及監交之員據實稟揭勒令前任如數交納儻逾限不交卽監追治罪有漕各省務當嚴飭各州縣毋許借漕餘爲名稍有浮收以清弊源將此通諭知之欽此

一嘉慶十四年巡視淮安漕務御史程國仁奏旗丁積弊雖由來已久而近年各幫兌費竟有增至五六百兩七八百兩者大約江南之蘇松二府浙江之嘉湖等府爲甚旗丁藉口長途繹輓起撥物力昂貴亦所固然其實沿途糜費各

項陋規所費更大若不清其弊源縱令裁減幫費受兌開行而奸丁等通計費用不敷勢不能不又生弊端或將行贈月食等米儘數折價或於正耗額米盜賣虧短一有虧短攬沙潑水事所必至迨至籤盤交卸時或經漕督倉場查出照例駁回而追賠搭運難以及期則本年倉儲已經貽誤實於公事無益現在漕務情形最關緊要謹爲我

皇上縷陳之

一查向來殷丁每憚出運而無賴之徒轉利鑽
充各縣衛承僉時或假手胥吏賣富僉貧往往
受兌之先早收兌費措還舊欠勢不能不向州
縣多索應請責成該管糧道定僉正副旗丁除
縣衛結報外仍取具本幫連名保結不得以疲
丁備數亦不許革丁復充

一查衆丁出運各幫會集良莠不一兼之與運
官家人書役彼此往來酒食徵逐費實不資甚
至停泊鎮市聚賭宿娼皆所不免除巡漕衙門

出示飭禁外應令糧道責成該運官嚴加約束
如有不法之徒立予懲治不得隱諱瞻徇致滋
疎縱

一查巡漕衙門內巡捕家人等嚴加約束尙易
防範惟書吏素與糧頭走差等勾通所得每幫
陋規三五兩不等而糧頭藉端浮開派累散丁
或至數倍尤宜嚴加查禁嗣後令各運官於糧
船報到時令運弁親到巡漕處當堂投文隨到
隨收凡糧頭走差等不許擅至公所與書吏交

接違者究辦

一查各省糧船各府有總運官一員各幫有領運千總一員押空千總一員向來各員弁以出運爲美差於受兌處所先向旗丁索取盤費備帶土宜是米未出次費已銷去大半正用必致拮据應令有漕督撫及漕運總督通行飭禁並責成糧道認真稽察犯者指參

一查迎提幫船照料過閘漕運總督必須派委員弁催輓但多一弁卽多一弊凡遇撥淺打閘

撥船之多寡喫水之淺深均由漕委操縱指揮
旗丁安能無費嘉慶十二年欽奉

上諭漕督不得多派委員禁止該弁等收受餽宜立法
更爲周密仍應申明定例以杜擾累

一查坐糧廳爲漕運總匯各幫抵通驗收交卸
米色之純疵斛口之盈絀均由倉書經紀等經
手其權最重其費最多應令倉場侍郎飭諭坐
糧廳嚴切稽查不許倉書經紀等額外措勒
一查幫船起撥以及提溜下閘雇覓人夫有時

多至數百名聞有無賴棍徒把持包攬名曰跨幫甚至勒添短絳加價分肥又聞夜晚停泊水次必須給與使費方免偷竊名曰包夜此項棍徒均爲丁累應令該省督撫飭諭地方官查拏懲辦

一查各幫辦事之人在船頭總辦者名曰糧頭各船協辦者名曰伍長又有往來奔走者名曰走差一切向州縣索費各衙門打點以及雇夫攬貨均經其手此等多係習慣奸丁與運弁書

吏等勾通舞弊派繳婪收在州縣則受其勒索
在散丁則受其科索實爲漕蠹應責成運官選
派老成殷實丁匠方准充當如有前項奸徒立
卽革退等因奉

上諭巡視南漕御史程國仁奏漕務事宜一摺旗丁勒
索幫費每歲遞增幾於無所限制而究其需費之故
全在各衙門陋規不裁前據馬履泰開單臚奏業經
通諭飭禁今該御史亦稱陋規一項較之長途絲輓
起撥爲費更大所言是極若不清其弊源卽使裁減

幫費而旗丁費無所出或又將行賄月食等米儘數折價使用甚至將正米亦復盜賣虧短以致機和潑漲諸弊叢生又將何所不至著將該御史條奏各款發交有漕督撫漕運總督倉場侍郎分別查照妥議辦理不得視爲具文致不肖旗丁有所藉口欽此

一家丁書役人等最易滋生事端旗丁藉書役以聯絡運官書役倚運官而需索幫伍甚至酒食徵逐聚賭窩娼均所不免當嚴行查察以節糜費責成糧道督飭運官密爲查察如有違犯

前項各弊卽行提究仍定以限制糧道准帶書吏四名差役四名運官減半如有逾數多帶卽行參處又每幫公舉伍長一人料理散丁兌交事宜又雇募走差一人專司探視河路水勢前後傳遞公文不得干預漕務此輩久慣積充難保不從中滋弊責成運官慎選妥實之人遴充不許與運弁書吏等交接以杜勾通滋弊

嘉慶十五年

一湖南三幫水手曹有山毆傷水手身死脫逃

將失察人命之領運千總徐五慶照例降一級

留任銷去任內尋常加一級抵免降級

嘉慶十五年

一嘉慶十五年浙江巡撫奏准處州幫旗丁陳

永福等具控伍丁周子釗等吞扣公項銀兩一

案查空運千總王尚德於領到接濟銀兩並不

親自散給輒委伍丁以致發給稽遲重運歐陽

琯領到修艚銀兩延不給發並擅離幫次藉病

逗留均屬玩誤不職業經奉

旨革職應毋庸議伍丁趙起仁等明知周子釗領銀不

發轉將衆丁村斥殊屬不合應照不應重例杖八十折責發落斥革另僉陳永福等仍令歸幫領運

嘉慶十五年欽奉

上諭阿克當阿奏漕務弊端請旨嚴禁一摺內稱軍船虛報開行日期遲至多日始行解纜以及私帶貨物過多盡行裝貯艙底船尾復攜帶木筏以致輓運不前契水太重甚至軍船輒加寬長以爲私帶貨物地步此等弊竇實皆到通遲誤之源自應概行飭禁著

交各該督撫等實力查辦摺內又稱糧船夾帶私鹽以致病商誤課一事關係尤重淮綱滯銷多至數十萬引昨據奏請將庚午全綱統銷商情疲累頗甚本日閱阿克當阿所奏重運北上時於天津公口岸等處定買私鹽回空裝載銷售各幫皆然江廣尤甚過揚州時不服查驗竟欲拒捕傷差等語看來亦非盡旗丁水手之故押運官弁恐不免包攬縱容其地方文武及總運並沿途催儆各員亦必有得規賣放情事必須加意釐剔向來天津鹽政例應扈蹕熱河因

思彼時正值回空滋弊之時嗣後該鹽政毋庸前往
著責令在天津專心查辦此事毋許軍船裝載私鹽
並著直隸總督一體查禁其山東江南等處並著該
督撫及巡漕等認真稽查如敢仍前夾帶私鹽將旗
丁等照例治罪並將得受陋規之文武員弁一併參
處等因欽此

一嘉慶十五年湖廣總督汪志伊議奏御史汪
彥博程國仁條陳漕務事宜各摺湖北旗丁應
領運費與江安等省情形不同必須由糧道匯

金匱要略卷之二十一
總覈給不能改交州縣前於給事中史祐議禁
漕弊案內議請飭令該管糧道於給發時先將
應發應扣應找各項數目明白開單定期曉示
屆期由道督同衛所備弁當堂唱名兌給業經
奏蒙

聖鑒在案應請仍照前奏章程辦理其重運船隻輓進
瓜洲口後提溜打閘趕幫過壩需雇短絳等項
飭令糧道示諭幫弁旗丁照例按程途里數給
價儻有棍徒把持索勒情事許旗丁具稟地方

官立拏枷示仍稟明糧道飭拏以免本處書役
徇庇攔阻又總漕倉場等奸胥猾吏因不遂所
欲故爲刁難而地方官外以米色爲名中多私
慾將糧戶完納好米有意挑斥則旗丁小民仍
受其累一款亦情弊所必有總在總漕倉場並
各省督撫臣各矢公忠督率所屬實力查察如
有前項情事立即徹底根究嚴加懲治又奏僉
丁宜覈實慎重一款查定例每船應僉正副隨
三丁其僉選之法由各船戶軍戶首公舉赴衛

所州縣結報僉解糧道查驗發幫辦運原爲杜
賣富僉貧之弊但恐日久弊生嗣後仍著本幫
千總取具本幫連名保結送道儻衛所以貧爲
殷許本幫旗丁指稟卽將原僉原保之衛所戶
首分別參處以免混僉又奏運丁浮費一款查
旗丁運糧責任綦重應責令糧道責成運官認
真稽察約束並禁丁役與旗丁交接以免丁力
拮据又領運員弁宜防需索一款查湖北幫船
向有餽送糧道盤費門包一千八百兩廳弁等

需索規禮自二百八十餘兩至四百三十餘兩
不等嘉慶五年清查以後糧道將盤費門包裁
革廳弁等亦不敢復有需索詳加嚴訪尙無陽
奉陰違情事惟有嚴飭糧道不時稽察如有仍
蹈前弊立行指參又奏伍長宜選派妥實一款
查各幫頭伍及協辦伍長必須誠實殷丁方足
以資領袖嗣後應責成糧道督率運弁務選老
成殷丁由各幫散丁公同保舉充當取結揭報
督撫衙門儻有作奸犯科情事卽行指名提究

並將走差一項名色禁革至禁止違例多帶土
宜回空夾帶私鹽亦應分地實力稽查如同空
夾帶私鹽揚關爲必由之路該處設有搜鹽廠
若果實力搜查並不得規賣放自無從來帶應
移咨兩江督臣嚴飭認真查辦其出運時土宜
例准帶一百二十六石新例續增二十四石卽
貢成糧道運弁認真稽查等因奉

硃批覽奏俱悉實心辦理不在空言欽此

一嘉慶十五年山東巡撫吉綸奏東省各衙門

關涉漕務領交文書等項原有科房紙筆之費亦不過一處三五兩不等其餘押運廳人役及坐糧廳執事人夫亦有浮費近來屢次嚴行查禁逐漸革除現經嚴諭各幫毋許藉稱兌費額外橫索倘不肖州縣濫行多給藉口浮收立行嚴叅並將該幫一體治罪謹就東省應議各條爲我

皇上陳之

一御史汪彥博奏收漕兌運事宜一款查交兌

漕糧例係乾圓潔淨如有攙雜潮潤受兌以前
責在州縣受兌以後責在弁丁立法本屬盡善
今東省漕糧近年到通俱係全糧過壩尙無攙
和霉變之事應再行申明定例嚴飭州縣運弁
慎選好米如有攙雜卽將徵運不慎之州縣叅
辦如已交幫上船查有攙雜卽將該弁丁從重
究懲又額外浮收責成巡撫糧道實力查察一
款查東省於徵收漕糧之時預爲刊頒告示指
出逐條漕弊發交糧道轉發有漕各州縣張貼

吏役民人衆目共睹如有花戶人等指控浮收
皆立時查辦並於開倉後令該管知府就近查
察糧道周厯稽查然遇啟徵時刁生劣監或以
醃米抵交或包攬代納亦所不免惟有督同司
道大員隨時隨處實力查訪一有見聞或嚴懲
貪墨或重抑刁風以期肅清漕政又外省養廉
應禁攤扣一款查各幫運弁現運養廉例於兌
漕州縣內自行支取閒運養廉於解到漕項耗
羨內給領俱係按年照數支發向無攤扣之款

又御史程國仁奏僉丁慎重覈實一款查康熙四十四年奏准各省僉丁親僉責在糧道舉保責在衛備用舍責在運弁保結責在通幫一丁無保不准著運一丁有欠衆丁賠還嗣後責成各衛領運官自行遴選如有掛欠並僉丁之官一同治罪又乾隆二十七年題准僉選新丁祇令千總結報該衛備知府驗看加結詳道定僉其同知通判點驗之例停止立法本爲盡善應再申明定例益加慎重又禁止旗丁浮費一款

查各丁每值赴次領有銀米最易花銷屆時應飭令糧道扎飭運官嚴加管束並令營汛嚴密查禁如有幫丁聚賭酗酒等事立予懲治又幫船開行停泊雇夫起載宜禁把持一款查東省幫船沿途並無雇夫起載及提溜打閘之處至楊村起撥亦係循照舊定章程辦理並無把持勒索之事再巡漕吳邦慶條奏幫船起撥及重運入境分段駐催各事宜其關涉東省者業經咨會轉瞬南漕入境卽循照辦理奉

硃批實心辦理務期言行相符裁革陋規嚴查需索爲
最要之事勉之欽此

一嘉慶十五年漕運總督許兆椿奏給事中史
祐原摺內稱旗丁運費請由州縣就近按船給
領一款查江南各幫請領錢糧向由糧道覈明
應支款目內除楊村應扣撥價油艚等銀外其
餘每船扣存三四五十兩不等解淮於盤糧時
放給以資沿途提溜打閘之用又每船扣銀十
餘兩不等發給運弁解交坐糧廳於完糧後按

名放給以資空船回南各項之用餘剩銀兩始
行由道放給是旗丁運費本係逐節給發並非
全行由道支放若盡收赴州縣徑支內有應扣
應解之款若令州縣各自扣解必致數目零星
舛錯若令全數給丁必致隨手花銷途中運費
缺乏種種格礙難行應仍照定例辦理俾免歧
悞並令放給錢糧時按封粘貼印花逐一分註
封面當堂親放以杜私拆隱混之弊又沿途催
儆文武各員弁請大加裁省漕運總督所帶書

役酌定額數不得多派並隨船所帶各弁多至數十人亦應裁減各款查催漕員弁從前原未多委近年來長途節節阻滯不特河口邳宿一帶淤淺難行其臨清之捫口北河之守水動輒旬月不得不添派文武分投嚴催方能趕後補前而不肖員弁藉此需索滋累幫丁在所不免除應委地方催餉文武移咨江南督撫河道諸臣酌辦外所有催漕之員卽責成沿河各本處衛備認真督催其實在閘多水溜處所擇其勤

慎者數人酌委前往照料此外概從減省如有
必須添派員弁趕辦之處亦不敢拘泥坐視遲
逾至總漕半年在船隨行書吏係分辦各省漕
務等事由總漕給船隨行與地方衛幫無涉果
可減省口當裁減毋令隨行致滋弊端又御史
汪彥博原摺內稱漕米未兌以前責在州縣既
兌以後責在弁丁應請自本年新漕爲始過淮
盤驗如有醜米無論是否州縣所收原米總應
嚴處弁丁一款查在淮在通歷來叅辦米色不

純之案有仍令縣幫分賠者推原其故緣州縣
旣圖浮收弁丁復貪加貼則米色自不能揀擇
是以甫運上船卽有霉變等事因究弁丁以貪
得貼費之咎實屬情真罪當若云旗丁使水用
藥此在通州或者有之若過淮籤盤亦照此法
辦理則米石一經敗壞將來如何交倉旗丁於
此等利弊知之最深焉肯輕爲嘗試但弁丁旣
已出結兌開若竟無以限制未免偏苛州縣應
請嗣後到淮籤盤如驗明同兌一州縣之船米

色俱好惟一二船米色不堪自係開行後未能
勤加風瞭所致卽應專辦弁丁倘所兌該州縣
之船米色均屬不堪顯係原徵之米浮收弁丁
貪圖加貼扶同兌運不能不將州縣弁丁一體
叅辦分賠以昭平允至過淮以後經通壩查驗
米色霉變難以交倉則惟專管之弁丁是問如
此辦理庶爲覈實又提溜打聞禁止多索價值
現亦嚴飭地方官認真曉諭約束有犯必懲並
查照山東巡漕臣吳邦慶條奏凡有遇淺起撥

處所通行押領廳弁先將土宜貨物起撥如仍
淺滯再將食米正米以次遞起俾昭慎重又旗
丁起撥土宜經過閘壩稅口官役人等往往刁
難不放並地棍把持挾制甚至有搬搶貨物者
應嚴檄淮揚道淮安府清河縣隨時密訪拏究
並傳諭旗丁如有前項情弊許其赴淮喊稟分
別查辦又總漕衙門恃有盤查之責若操之太
切所有奸胥猾吏無以遂其需索或米色稍次
並非攙雜者刻意搜求旗丁仍受其害一款查

太常寺少卿馬履泰原單內亦稱總漕籤盤書
吏需費每幫五百兩等因此等奸巧之徒與受
甚爲詭秘此時卽逐一詢問斷不肯吐露真情
惟有加意防閑隨時申禁如有見聞立即根究
根究得實立即嚴懲至米色有意駁換一層查
幫船到淮例應總漕率同將備親赴各船逐一
測探比驗書吏並不隨往無從搜求挑剔似可
毋庸慮及惟撞騙恐嚇之徒隨時隨處皆有應
當切實開導弁丁免致受人愚弄又巡漕程國

仁原摺內稱僉丁應責成糧道定僉正副取具
本幫聯名保結一款查各省僉丁情形本有不
同或由戶族公保或由頭伍查訪或由退丁舉
保其中逞私圖詐賄託營求者均所不免承僉
之衛備州縣稍有不妥擾累尤多現在檄行各
糧道確按本處情形悉心籌酌必先將僉點使
費痛革再將幫中積蠹驅除俾新丁不致視爲
畏途庶可望殷實諳練之戶親身管運又如領
運員弁需索一款查馬履泰單開總運同知年

規每幫一百兩重運千總年規每幫六百兩貼
坐船銀五十兩書役銀三十餘兩空運千總每
幫一百兩等因前項陋規經前漕臣馬慧裕飭
道刊刻告示遍行曉諭貪婪之風稍知斂跡但
聞向來監押丞倅出運員弁需索州縣以米色
乾潔而有貼費爲上次米色平平而有貼費爲
中次米色潮嫩而有貼費爲下次仍視運官之
強弱以定陋規之多寡其得項有數倍於旗丁
者大局總借米色爲詞在旗丁量加沾潤尙藉

口長途撥運之資至押運員弁當此

功令森嚴之候尙敢覲然索取州縣規費自應首先嚴禁又聞頭舵額外裝帶貨物亦有每幫餽送千總銀兩者現在遂一查明分飭禁止並責成糧道知府嚴密查察如有以上情弊分別揭參奏辦以清蠹源等因奉

硃批有治人無治法盡心除弊有犯必懲勉之欽此

一嘉慶十五年巡漕給事中吳邦慶議覆江西道御史汪彥博條陳漕務事宜摺內收漕兌運

宜專責成一款查重運到淮總漕面同押運逐
船盤驗如有短少勒令領運官丁當時買補足
數嚴督抵通如果米色潮爛攙雜卽起出篩颺
將弁丁捆打勒令賠補仍飭糧道將受兌弊混
之處查明叅究是過淮盤驗之時短少霉變惟
領運官丁是問與經收州縣無干原奏係申明
定例自應遵行又該御史條陳各幫應領運費
由州縣給發一款查幫丁所領運費等項皆係
彙解道庫若由受兌之州縣按數給發勢必輾

轉抵補款項紛紛似應仍在道庫支領令該糧道將各幫應領銀兩當堂按名給發胥役既不經手而剋扣之弊自清至所稱沿途短絳官爲定價一款查糧船雇募短絳向無定價乾隆三十年經漕臣咨准以水勢順逆酌給短絳每夫每里制錢一文半至三文不等又北河自楊村至通州每夫每里給制錢二文如遇大雨路險絳夫短少之時仍聽該幫弁丁等自行酌量加增亦不得過每里四文之數現今幫船抵境各

處仍遵照定制刊示曉諭不時差役密訪如有
土棍勒索錢文立時拏辦又該御史條陳總漕
倉場所用吏役嚴禁使費一款查需索使費亦
難保其弊端盡絕臣謂糧船到壩倉場侍郎總
統其成坐糧廳等專司其事又有巡漕御史不
時稽查此等事皆可隨時查察如該丁等身受
屈抑亦可向各衙門呈控何難懲辦至州縣收
漕如有勒抑情事各該省糧道於收米之時周
歷稽查亦可委精幹丞倅分投向各縣倉監收

如實係好米該花戶卽將米樣向糧道及監收丞倅等處喊稟據實揭參等因奉

硃批覽奏俱悉欽此

一嘉慶十六年奉

上諭章煦奏包戶指稱漕記把持浮收逼索多贓請將經徵知縣解任質審一摺此案謝六卽謝徵蕙於該縣閉倉十日之後忽指稱漕記把持浮收將該書吏輾轉藏匿逼寫字據勒索多贓似此恃符滋事之徒不可不嚴行懲辦以儆刁劣至該縣收漕之時若果

書吏等有浮收情弊亦應一併究辦以肅漕務武進縣知縣周宗泰著解任交該撫提同人証秉公嚴訊定擬具奏該部知道摺併發欽此

一江蘇巡撫並刑部奏審擬陳三龐六每年借給幫丁銀兩連利盤放或以幫丁支領月米印照抵押遞年盤剝借給幫丁銀各至一萬餘兩之多應准竊盜論減一等杖一百流三千里至莊成杜維正等借給錢數無多均杖八十再加枷號旗丁張乾仁始以官項擬還私債復以領

米印照抵押圖緩應杖一百各丁負欠銀兩免

追失察之運弁查取職名送部覈議

嘉慶十七年

一嘉慶十七年欽奉

諭旨

御史陸泌奏各省幫船灣泊通壩經紀各役俱勒

索使費約計每船用銀八十兩至一百二三十兩不

等至倉場侍郎下幫驗米舍人丁役轎夫等每幫約

用制錢二百四十千坐糧廳減半如不滿所欲卽挑

斥色米多量斛面任意拋灑種種積弊相沿等語本

年抵通幫船均已兌收完竣回空南下該御史所奏

並無指名難以紛紛提究著倉場侍郎等於明年重
運抵通時先將該御史所陳各項情弊出示嚴禁如
查有經紀吏役人等私行勒索卽嚴拏懲辦該侍
郎等客隱不舉別經發覺定將伊等一併懲處至摺
內所稱漕船起卸時鈞載船乘間偷換及巡役匪徒
勾通夥竊等弊著該管文武員弁一體嚴密查拏毋
稍疎縱欽此

一嘉慶十八年刑部議覆江西撫奏贛州幫退
丁李中瓊呈控衛守備李逢春勒索銀米多款

查原控各款該革備因蔡徐奇新造二船無力
活水又無篷纜輒派令葉予達等七船幫給銀
兩及收受奠儀等款李中瓊所告尙非無因惟
撫拾多款妄控本官應杖一百徒三年李逢春
除受收奠禮並失察差役各輕罪不議外其派
幫銀兩雖屬因公究係科斂應杖六十徒一年
所派銀估值庫平二百零九兩於該革備名下
照追還主衛差李發催提丁費索得洋銀估值
庫平紋銀一兩零杖一百枷號一個月革役所

得洋銀照追入官

一戶部奏准京師米商如不開設鋪面難賣流通或租賃廟宇及旗民空宅堆貯是非居奇待價卽係接濟回漕提督衙門及五城御史訪查屬實立卽嚴拏雖米數未過一百六十石之額亦一體送究儻該官弁兵役知情得賄不行查出別經發覺卽照故縱例治罪

嘉慶十八年

一嘉慶十九年奉

上諭榮麟於北倉截卸漕未並不遵照奏定章程輒將

在前行走各幫率行截卸並將例應到通之滿號船
隻一併截卸迨經降旨飭令照原議辦理仍不凜道
朦朧具奏殊屬種種乖謬茲復據熙昌等奏訊明倉
場衙門書吏徐建超等因湖北頭二三幫本不在截
卸之例聞榮麟欲改議截卸遂起意向該幫頭伍撞
騙銀兩該幫頭伍毛勝等貪圖截卸省便行賄屬實
榮麟毫無覺察請旨嚴議等語榮麟著降補六部筆
帖式餘著該部嚴議具奏等因欽此嗣據刑部奏准
漕書徐建超吳顯基等指官撞騙婪索多贓應

先在倉場衙門各枷號兩個月滿日發往新疆
給官兵爲奴該幫頭伍毛勝等應杖一百徒三
年

一嘉慶二十年奉

上諭潤祥等參奏湖北領運千總焦朝服玩視漕務一
摺焦朝服領運軍船多帶木植並不遵例起卸以致
行走阻滯又復屢次捏稟竇屬胆玩焦朝服著卽革
職以示懲儆欽此

一給事中辛從益奏浙江幫丁疲累酒商孫汝

堅等重利放債串通糧道書吏將銀扣抵經浙撫查明運丁借欠酒商銀共四萬八千餘兩實非重利盤剝串抵公款奏准分限償還以紓丁力

一湖北德安所書吏徐光海因軍丁黃宗洛未經該所僉點出運卽向索謝儀米二石折實贓銀四兩照蠹役索詐貧民例計贓枷杖其失察該管千總照例罰俸

嘉慶二十一年

一嘉慶二十二年奉

上諭御史蔣詩奏請嚴禁州縣徵收折色運弁需索兌費一摺漕糧爲天庾正供原應徵收純潔米石如數兌運若徵漕時先收折色兌運不敷輒於水次購米完交或串通弁丁給與免費於抵通前盜買回漕攪雜輸納日久必致京通倉貯紅朽相因不可不嚴行查禁以杜其源著通諭有漕省分各督撫嚴飭所屬州縣於收漕時務令徵收乾潔好米如數交兌毋許私收折色並嚴禁弁丁等通同舞弊需索兌費如有前項弊端著該督撫及漕運總督據實嚴參重懲以

肅漕政而重倉儲欽此

一嘉慶二十二年奉

上諭孫玉庭奏卹丁除弊一摺漕船每歲領運於例給
漕贈月糧外復優准加帶土宜並於通州變賣餘米
所以體卹丁力者甚至而江省各幫船仍有勒索州
縣免費之事總藉口於賠墊積疲不能不資津貼幫
船津貼日多則州縣浮收日甚伊何底止茲據該督
奏請卹丁兩條其減省委員禁止餽送全在該督撫
漕督實力奉行嚴加查察勿爲空言其酌籌生息增

給造運卽著該督等詳議續奏至所指弁丁等刁難
州縣有無故停兌開行勒指通關米結兩端尤爲切
中情事總之漕糧未兌以前責在州縣旣兌以後責
在弁丁其受兌之時如有米色潮溼攪和者准其稟
報該糧道查驗叅辦若米色純潔該弁丁等仍敢停
兌吵鬧及指不出結者立即從嚴懲辦以杜刁制至
另片所奏蘇松常鎮各幫統以米石多寡按水次舊
章酌給津貼禁止每船給費均著照所奏辦理如此
酌中調劑卽作爲一定限制如幫丁再敢格外需索

州縣藉口浮收俱著嚴叅治罪以肅漕政而塞弊源

欽此

一戶部咨准丁船於未經交米之先不許沿途

私買食米

嘉慶二十二年

一刑部咨准山東濟寧後幫千總陳燠因舵工

盜押船具並不移會地方官會同訊追擅自枷

號以致帶枷病斃業已革職應毋庸議

嘉慶二十四年

一漕督奏准糧船水手人等責成運弁督同頭

伍各丁遇有應用水手卽令頭船出具保結併

於花名冊內註明如有不法滋事者查明係何
人保舉卽將保人一同坐罪所有防夜器具只
准木棍等類其違禁之物一概不准存留如供
有異樣神像立即從嚴究辦

嘉慶二十五年

一道光七年奉

上諭訥爾經額奏請將辦公貽誤之運弁革職一摺
廬州三幫千總蔡濂才前因欠交尾零正米二百
二十五石革去頂帶勒限補交全完奏請開復

復據該漕督奏稱該弁領運船六十六隻內有旗

丁二十五名并不在船且篷桅器具多不齊全同
空舵水人等飯米亦未照例預備以致耽延未能
開行經該道籌款接濟始得隨幫南下是該弁於
本幫公事始終辦理不善實屬玩誤無能雖將前
項米石補交完竣豈可稍事姑容蔡濂才著卽革
職以爲玩視漕務者戒欽此

一刑部咨准廬州三幫領運漕糧到壩有旗丁
邵正華等短欠米石雖限內完交究係經理不
善均杖八十折責發落廖熙恬身充旗丁並不

在船照料至濟寧始行趕上杖八十折責革運
其私自離船回家措銀之各旗丁革運免刺吳
敬菴奉差領取應付各船接濟銀兩私借與人
亦未回明幫官該丁係職官應革職杖一百流
三千里並將私借銀兩勒限追繳至該幫衛守
備於疲幫接濟要款差丁不慎咨兵部照例議

處

道光八年

一 道光八年奉

上諭御史奇成額奏糧船抵通時倉中兵丁書役及

倉場總督坐糧廳各衙門在官人役輒向旗丁需索使費兌米時又以給費之多寡爲遷船之後先旗丁等所費旣鉅勢不得不勒索州縣州縣無所取給亦卽浮收升斗以供兌費是州縣朘削民膏祇以供運丁之需索運丁之勒捐僅以飽倉中蠹役之私囊種種情弊相沿實情事之所必有且近日倉中吏役經紀竟多至數百人朋比爲奸坐享厚利若不及早釐剔其流弊伊於胡底著倉場侍郎各衙門嚴查在官書役等定額足敷辦公其餘

悉皆裁汰毋使冒濫滋弊其糧船抵通收兌時務須嚴加管束如稍滋事端卽行從重懲辦以除積蠹庶旗丁州縣均無所藉口儻仍蹈前轍著有漕省分各督撫隨時嚴叅究辦欽此

一道光八年坐糧廳轎夫向旗丁索錢爭毆經倉場奏交刑部訊明定擬李林等四犯照蠹役詐贓六兩以上贓未入手減等杖九十徒二年半於犯事地方枷號兩箇月照例刺字霍大等八犯從前得受飯錢照不應重例杖八十枷號

一個月滿日折責充徒至旗丁應領坐糧廳紙
劄銀二兩係給與漕書作紙筆之費又糧船行
抵通境舍人往楊村一帶催趲每幫按站給船
價錢五百文俱係相沿陋規應令查明裁革所
有轎夫飯錢一併禁止滿漢坐糧廳失察經部
議各降一級調用准其抵銷

一山東省軍船出運每歲自八九月間修船受
兌次春開行五月間方能回空事經八九月丁
役數十人例支公項每船一隻給潤耗等米九

十石銀八十餘兩費用不敷經東撫奏請將津貼公費一項仍照前議每石原止一二三錢者胥循其舊辦理如每石在四錢以上卽以四錢爲限不得再增絲毫奏經戶部議准並令該撫認真經理儻查有幫丁多索州縣浮收卽行從嚴叅辦計贓治罪

一山東省漕糧項下撥運青州滿營兵米由青州府兌收支放隨漕同徵之常德二倉米石由糧道兌收以備德州駐防滿營月糧等項之用

一切廠座席片徵蒸盤折看守丁役人等工食
例款不敷據東撫奏請照現定幫丁公費四錢
之數酌減一半每石津貼銀二錢經戶部議准
嗣後務徵本色所有從前私交折價之弊嚴行

查禁

以上道光
二十九年